

PHOŠOLLO YA MONGWALO: SARS E DULA E IKEMIŠEDITŠE GO RERIŠANA LE MEKGATLO YA BAŠOMI

Tshwane, 12 Julae 2022 - Ditirelo tša Motšhelo tša Afrika Borwa (SARS) di rata go tiišetša gore maloko a PSA le NEHAWU ba tšwelapele ka seteraeke go ya ka tsebišo yeo e filwego ke mekgatlo ya bašomi go Balaodi ba SARS. Tsošološo ya seteraeke e latela morago ga go fega mogwanto sebakanyana ke ba mokgatlo wa PSA ka Mei, gomme ketapele ya mokgatlo wa bašomi e laeditše gore ba ikemišeditše go tšwela pele ka seteraeke go fihlela SARS e kaonafatša neelo ya megolo ya bona.

Dithulano di tšweletše ka lebaka la gore mekgatlo ya bašomi e ganane le R70 million yeo e lego gona bakeng sa mothalotheo wa dikoketšo tša bašomi ba yuniti ya dingangišano.

SARS e boletše gore ga e tšeye sephetho ka ga ditšhelete tša yona, eupša e ithekgile ka sephetho sa kabelo ya ngwaga ka ngwaga yeo e dirwago ka taolelo ya Kgoro ya Matloto a Setšhaba. Kgopelo ya bašomi ya CPI plus 7% e tloga e sa fihlelele go fihla ge SARS e amogela tšhelete enngwe.

SARS e dula e laetša kgothatso ya ditlhotlo tša ditšhelete tšeo di bakilwego ke koketšo ya ditheko tša dijo le makhura a gammogo le ditirelo tše dingwe tše bohlokwa. Maemo a ama bontši bja ma Afrika Borwa go akaretša bašomi ba SARS.

SARS e tla dula e hlomphe melao ya molaotheo yeo e šireletšago bašomi go seteraeka go ya ya dipeelano tša molao, mola samma le tee go swanetše go tšewa dikgato tša maleba go phethagatša tagafara ya yona le go direla balefela motšhelo le bagwebi. Molawana wa “ge o sa šome, ga o lefelwe” o tla dirišwa go bašomi bao ba kgathago tema go mogwanto.

SARS e bega gore letšatši la mathomo la mogwanto le phethagetše gabotse ntle le ditšhitišo tša ditirelo. Mola makala a mangwe a ile a tswalelwa ka lebaka la hlokgalo ya bašomi, balefela motšhelo ba ba ntši ba tšwetše pele go ikgokaganya le setheo ka mekgwe ya go fapana ya ditirelo tša inthanete. SARS e beakantšeswa dipeeletšo tše dintši tša kopano tšeo di bego di beilwe pele ga ge megwanto e thoma.

SARS e tšwetšepile go ka go beakanya tshepetšo ya mošomo le mabaka a mangwe go tšwetšapele ditirelo go balefela motšhelo. Re hlohleletša setšhaba go diriša wepsaete ya rena bakeng sa tshedimošo e mpsha ya ka fao se ka amanago le SARS go phethagatša boitlamo bja bona bjo bo hlokegago.

Balefela motšhelo ba hlohleletšwa go efoga go tla diofising tša SARS.

SARS e ipiletša go mekgatlo a ya bašomi go dula ba na le khutšo megwantong ya bona go obamela melao ya go gwanta bjale ka ge e laeditšwe ka go Melao ya go Gwanta ya CCMA yeo e phatlaladitšwego.

SARS e tloga e laeditše merero ya yona pepeneneng mabapi le mameo a yona a ditšhelete le maikemišetšo a go amana le ketapele ya mekgatlo ya bašomi ya go rarolla dingangišano. SARS e dirišane ka mo e ka kgonago go ya ka maatla a yona gape e lebeletše tšhelete yeo e lego gona go katološa neelo ya yona go mekgatlo ya bašomi, gomme tirišano yeo e sa dutše e le gona. SARS e dula e ikemišeditše go tšwelapele ka dikamano le mekgatlo ya bašomi ka ga neelo gammogo le Ditšhišinyo tša Boleng bja Bašomi.

Go hwetša tshedimošo enngwe, ikgokaganye le SarsMedia@sars.gov.za